

毛

詩

說

毛詩卷五

大雅三

文王什三之一

文王七章章八句

文王宗祀文王配上帝也

文王在上。於昭于天。周雖舊邦。其命維新。有周不顯。帝命不時。文王陟降。在帝左右。

在上洋洋乎在上也。於歎辭昭著也。於昭昭之至也。于天在上之所也。周本大王居邑。此統帥卻岐而言。故曰舊邦。命受天命。有天下也。新者文王始受天命。故武王遂有天下也。不顯顯也。

帝上帝也不時時也不先不後及時而命之也陟升降下也自武王有天下而有周遂爲天下王豈不顯乎上帝之命豈不時乎然此皆文王之靈升降上帝左右之所致也此原所以宗祀配帝之由也

疊疊文王。令聞不已。陳錫哉周。侯文王孫子。文王孫子。本支百世。凡周之士。不顯亦世。

疊疊不倦意德之純也。惟德純故令名無窮也。陳布錫賜也哉。益古載字侯維也。傳以陳錫載周爲能施。益文王之布德施惠。非止及身之令聞而已。故必載周使有天下而又及其孫子而孫子之本宗爲天子支庶爲諸侯又及於百世且凡周士之爲

臣子者亦無不顯於世。世焉極言文王之德之盛而流澤之長也。

世之不顯。厥猶翼翼。思皇多士。生此王國。王國克生。維周之禎。濟濟多士。文王以寧。

因承上周士而言其世之所以亦無不顯者以其所謀皆如鳥翼之左右乎王國也。皇大也。美也。禎。餘也。濟濟多貌。然思此大美之多士何由而生此王國乎。蓋賢材之衆。國家昌盛之兆。王國而克生此士。即爲周邦之禎。況又濟濟其多。則文王在上之靈有不藉之以寧者乎。此美王官助祭之人而遂勗王用賢也。穆穆文王。於緝熙敬止。假哉天命。有商孫子。商之孫子。其麗不億。

上帝既命。侯于周服。

穆穆深遠。意緝續。熙明也。敬止。以敬爲止也。假大也。亦僞也。假哉。天命。蓋言天命不足恃。以警王也。天命何爲不足恃。即有商之孫子。可見矣。麗麗於天也。億。意度也。服臣而服也。言商自成湯。代夏。其孫子慎厥麗。乃勳。則天命之保乂有商。固不可億度矣。乃自上帝簡畀殷命。而商之孫子遂無不臣服於我周乎。以下皆戒王之辭。

侯服于周。天命靡常。殷士膚敏。裸將于京。厥作裸將。常服黼黻。王之蓋臣。無念爾祖。

此又承上而言。夫惟臣服于周。則君臣且無定倖。而天命益靡

常與士與周士同皆統諸侯大夫言也膚美敏疾也裸裸也
將助祭也京周京也作創也常服殷王之常服黼黻裳與殷冠
也據商有天下而言則曰商之孫子據周有天下而言故又變
文言殷士也殷士之膚敏者裸將于京惟服於周故也若其創
行裸將而仍服黼黻又欲使後王監殷畏天命之假而靡常也
至時王主祭者蓋進也蓋臣進思盡忠也祖謂文王也然則王
之蓋臣得無念爾祖文王之敬止乎不欲斥王故曰蓋臣也終
以念祖應敬止與上章四環反覆之文義也

無念爾祖。幸修厥德。永言配命。自求多福。殷之未喪師。克配上帝。
宜鑒于殷。駿命不易。

此又承念祖而歸本於修德也。修德即緝熙敬止之謂配合也。言能修德則庶可永久合乎天命而自求多福耳。曰自求言求之在己不在乎外也。鑒鏡也。駸大而疾也。未喪師謂帝乙以上其德皆能合乎帝也。以殷爲鏡則得失瞭然大命之去來甚疾不敢易而忽之矣。

命之不易無過爾躬。宜昭義問。有虞殷自天。上天之載無聲無臭。儀刑文王萬邦作孚。

過絕宣布也。義猶善也。宜也。問下問也。有文通虞度也。此又承命之不可易忽而以過躬爲戒也。然求所以無過者又於何而致力乎。亦惟有勤於義問爲修德之基。而又度殷之所以廢興。

者以究之於天耳。載事儀擬刑法乎信也。但上天之事無聲無臭，非可得而度也。惟取法於文王底幾，可爲萬邦作孚先乎。

周之有天下也，雖自武王始，而其受天命實本於文王。故合天下之諸侯，宗祀文王於明堂，以配上帝，固前古所未有。而周公特以義起之禮也。首章言文王之神左右乎帝，因祭時在上而言也。次章言文王之德足以造周，本其始也。三章言文王之寧由於多士，勗其終也。自四章以下，則往復於商周之興廢、天命之靡常而切之於昭義問。刑文王焉，蓋周之受天命而孚萬邦，惟文王作之先矣。然而文王不可企及，後之有天下者，將於何而配命哉？亦惟在乎問學而已。猶翼多餘。

即宜昭也。修德求福，即儀刑也。以宗祀尊文王，即以親上帝。即以祈求永命，而至於垂訓後王。懷畏萬邦者，亦無不寓焉。此周公所謂多材藝，而其詩冠於大雅之首也。諡之見於詩者，召南止平王，秦風止穆公，至大雅而文王始首著焉。又以見文王爲周邦受命之本，與周南關雎之三相應，而凡大雅三頌之咏諡者，皆不可不深思其義矣。

大明八章四章章六句四章章八句

大明追尊王季也

明明在下，赫赫在上。天難忱斯，不易維王。天位殷適，使不挾四方。明明明而又明，謂王季文王繼明非一世也。在下爲諸侯也，赫

赫赫而又赫謂商王也在上爲天子也忱信也天位天子之位也股適股之嫡嗣也挾有也上下有定分亘古之大義也乃天位股適而天使之不挾四方則天果可忱而王果可易乎

摯仲氏任自彼股商來嫁于周曰嬪于京乃及王季維德之行大任有身生此文王

摯國任姓也契始封商湯因以爲有天下之號至盤庚遷殷又改號股其後遂股商萬舉也摯本商畿內諸侯故云自彼來嫁也嬪婦也王追尊之也季本稱也小國之君天子之命大夫皆舉行也仲以女言嬪以婦言大以母言辭雖重疊義各有取也身懷孕也王季因文王而追尊故推本所生而并及大任也

維此文王。小心翼翼。昭事上帝。聿懷多福。厥德不回。以受方國。

小心翼翼。恭慎以事上也。懷來回邪也。方國。四方之國也。受方國。即受天命也。

天監在下。有命既集。文王初載。天作之合。在洽之陽。在渭之沔。文王嘉止。大邦有子。

監察也。下下國也。集。萃載年合配也。洽水在同州府郃陽縣。今流已絕。嘉昏禮也。大邦。華國也。子。大姒也。

大邦有子。倪天之妹。文定厥祥。親迎于渭。造舟爲梁。不顯其光。倪。啓也。譬也。天妹。尊美之也。文。禮祥吉也。言卜得吉而以納幣之禮定其祥也。造。作梁橋也。比舟加板以通行者。今浮橋也不

顯其光言造舟親迎昏禮成而家道正豈不顯乎其有光也
有命自天命此文王于周于京續女維莘長子維行篤生武王保
右命爾變伐大商

續繼也繼大任之女事也莘國姒姓長子即大姒也行嫁爲厚
也篤生者大任既生文王而大姒又生武王是天命篤厚之也
右尊也爾謂武王也變和也言順天應人也

殷商之旅其會如林矢于牧野維予侯興上帝臨女無貳爾心
旅聚會聚也如林盛也矢陳也牧野商郊牧地之野也予猶周
也興興起而有天下也貳不一也心有二則德不純戒辭也

牧野洋洋檀車煌煌駟騶彭彭維師尚父時維鷹揚涼彼武王肆

伐大商會朝清明。

洋洋廣大貌煌煌鮮明貌古無驟字止當作原平原也彭彭者駟乘之人騁車於平地而強勇衆多即革車三百虎賁三千之謂師大師尚字文專之即齊大公也鷹揚如鷹之飛揚而將擊言其猛也涼亮佐助也肆縱兵也會朝會戰之且也清明戰勝而天下清明昏主皆而照人作也

記曰無憂者其惟文王乎以王季爲父以武王爲子父作之子述之則季所以追王推文王之意也而文王之意所以能推則又由武王之有天下也故此詩追尊王季必下及文武至於伐商蓋以追王成德其義固如是耳然王猶止係於季

而無若文王之諱則周公之制禮謹嚴不敢以謚妄加其祖又於斯可見矣

縣九章章六句

縣追尊大王也

縣縣瓜瓞民之初生自土沮漆古公亶父陶復陶穴未有家室。

縣縣不絕貌大曰瓜小曰瓞瓜之近本初生者常小其蔓不絕至末而後大也民周人也自從也土古杜字齊詩作自杜沮漆杜水名出今鳳翔縣杜陽山入漆水沮水無攷疑卽今雍水也出鳳翔縣雍山亦入漆水漆水今在邠州直隸州一名白土川入渭古稽古也公有宗有色者之通稱也亶字父尊之也陶窰

竈復重窞穴主室也。陶復止復土於地上。陶穴僅穴土於地中。皆不成乎家室也。以瓜之先小後大。喻周人之生於沮漆其國甚小而後大也。

古公亶父來朝走馬。辛酉水泚。至于岐下。爰及姜女。事來胥宇。來朝則不及戒期。走馬則不及夙駕。至明而即啟行。急於避寇難也。水泚水也。岐下岐山之下也。姜女大王妃也。宇宅也。

周原膺膺。苴荼如飴。爰始爰謀。爰契我龜。曰止曰時。築室于茲。周原岐下地。膺膺肥美貌。苴荼與茶皆苦菜。飴飴也。始始志也。謀計議也。契刻也。刻龜甲以燃火而卜也。曰止曰時卜吉而止。順乎時也。築室于茲亦卜辭也。

通慰通止。通左通右。通疆通理。通宜通凶。自西徂東。周爰執事。慰勞行者止定居者宜疆理正而著明也。歟。一屋之居也。西東原之西東也。周爰執事既定邑於周邊各執其事也。蓋至岐胥宇不過一時避難之舉。迨嘗荼蕘止時而後慰止疆理定居而事事也。

乃名司空。乃名司徒。俾立室家。其繩則直。縮版以載。作廟翼翼。以下三章皆詳執事也。司空掌管國司徒掌徒役。繩以直物。凡營度位處必以繩正之。乃可束版而築也。縮束也以索束版以版載土也。廟祖廟也。翼翼羣宮而言兩列如翼也。

揀之陲陲。度之薨薨。築之登登。削屢馮馮。百堵皆興。鼙鼓弗勝。

抹盛土於器也。陜陜衆也。度投土於版也。甍甍聲也。登聲加高也。削屢牆成而削治再三也。馮馮勢高陵下也。興起也。弗勝樂事勸功鼓不止也。此室家成也。

迺立皋門。皋門有伉。迺立應門。應門將將。迺立冢土。戎醜攸行。

皋門郭門外門也。伉高貌。應門正門也。將將嚴正也。冢去大社也。戎戎事也。醜衆也。

肆不殄厥愠。亦不隕厥問。柞械拔矣。行道兌矣。混夷駸矣。維其喙知。

肆故也。承上起下之辭。殄絕愠怒隕墜也。問開通美譽也。大王不能守卻不得已遷岐。不能絕其愠矣。然自遷岐之後而國日

益太則亦不墜其闢也。械白接也。拔除去也。兌成蹊也。混夷即獯鬻也。說并寢也。喙者病喙短息言衰弱也。

虞芮質厥成。文王蹶厥生。予曰有疏附。予曰有先後。予曰有奔奏。予曰有禦侮。

虞國今解州平陸縣有虞城芮國今同州府朝邑縣有芮城質正成平也。蹶動而疾也。生猶起也。傳曰虞芮之君相與爭田久而不平乃相與朝周入其境則耕者讓畔行者讓路入其邑男女異路斑白者不提挈入其朝士讓大夫大夫讓卿二國之君感而相謂曰我等小人不可以履君子之境乃相讓以其所爭田爲間田而退天下聞之歸者四十餘國是質成而蹶生也。予

詩人自予也率下親上曰疏附相導前後曰先後喻德宣譽曰弁奏武臣折衝曰禦侮有此四臣又厥生之本也

孟子曰大王之徙居岐山非擇而取之不得已也苟爲善後
世子孫必有王者矣君子創業垂統爲可繼也蓋周之王業
始於遷岐而興於賢成故追王之典必上至大王也然此詩
但言大王文王而中不及王季下不及武王則以有天下雖
在武王而創業固在大王受命固在文王王季與武王不過
守成順命故也至追尊雖溯王業之始而詩辭猶止稱公稱
字從其本始而言則仍不欲妄加非分以誣祖而欺天下臣
民也其義嚴哉

械模五章章四句

械模勉武王也

凡凡械模薪之樵之。濟濟辟王。左右趣之。

凡凡盛貌。械模皆木之叢生茂密者。模積也。喻賢才之多必廣收厚積以待用也。濟濟容貌之美也。辟君也。辟王君天下之王。謂武王也。左右輔相之人也。趣疾也。促也。言王之濟濟以君天下。必恃左右之輔相。其不及而後能敏於事。此薪樵之所以不可緩也。

濟濟辟王。左右奉璋。奉璋戢戢。髦士攸宜。

半圭曰璋。奉璋者王撫諸侯。則使王官奉璋以覲聘也。戢戢高

貌容貌尊嚴不辱王命也髦俊也外交諸侯惟髦士爲宜王官
稱其庸使則王極乃建也

得彼涇舟。烝徒楫之。周王于邁。六師及之。

得疾流貌。涇舟。涇水之舟師也。烝。衆也。徒。舟師之徒。猶甸地有
甸徒也。楫。櫂也。邁。巡行也。及者。非但陸行而甸徒從。即水行而
舟徒亦無不盡從也。君行師從。所以張王威也。

俾彼雲漢。爲章于天。周王壽考。遐不作人。

俾。明貌。雲漢。漢光如雲也。雲漢統攝列宿。回環竟天。天體之大
網。最爲章著。猶王者爲天下君人之大綱也。周王壽考。卜世久
也。壽考則遐矣。遐豈有不在於作人者乎。作人。即興賢才也。

追琢其韋金玉其相。勉勉我玉。網紀四方。

追琢也。金曰雕。玉曰琢。相質也。追琢以成文。金玉以立質。可以王天下矣。然不可不勉而又勉也。王也者。四方之綱紀也不勉則必至暇逸而有叢勝之患。又何以綱紀四方哉。

王者之治天下也。外事則懷諸侯爲大。而懷之之要。又莫先於使聘。時巡之交際。二章王官出聘也。三章天子時巡也。然而非有其人。則固不能使不能巡也。故首章先之以求賢。而四章繼之以興賢。但爲政雖在乎人。而取人必本乎身。故末章又終之以我王之勉。勉蓋修身爲本。於茲益可信矣。以下三詩其亦非周公不能作也哉。

旱麓六章章四句

旱麓美武王也。蓋亦以美爲規。

瞻彼旱麓。條栝濟濟。豈弟君子。千祿豈弟。

旱山名麓山足也。條似栗而小。栝似荆而赤。濟濟多也。亦以山之多材喻國之多賢也。君子謂武王也。千求也。祿天祿也。言王能用賢以求天祿。故能成其豈弟也。

瑟彼玉瓚。黃流在中。豈弟君子。福祿攸降。

瑟順密貌。玉瓚王爵也。六彝之屬。賓祭所用以裸者也。黃流鬱鬯也。以秬黍爲酒。藥鬱金煮而和之。使芬芳條暢。實於瓚以裸也。言王惟敬臨賓祭。黍已無爲而福祿自降也。

焉飛戾天魚躍于淵豈弟君子遐不作人

焉飛魚躍化及禽魚無不成若也太和之象至天地位而萬物
有神化之所被者遐矣然有不由於作人者乎極言盛德以爲
勸也

清酒既載騂牡既備以享以祀以介景福

載具也此章即集信南山及楚茨中句以致意后稷爲周始祖
故又言能享先祖以獲福也

瑟彼柞棫民所燎矣豈弟君子神所勞矣

瑟茂密貌民即民之初生之民謂周人也燎實柴樵燎以祀天
神也神天神也勞慰也事天而神勞王者之能事極矣

莫莫葛藟。施于條枚。豈弟君子。求福不回。

葛藟喻臣民條枚喻王也言葛藟附條枚而盛猶天下賴王以治安也不回微言不可有回亦戒辭也

此詩與上篇大略相似故首喻用賢求言求福其義同也而敬賓祭格爲魚享先祖對天神則又無事外求而專重乎垂拱無爲基命宥密似較前篇之義更爲精微矣而其實內外不可偏廢上篇主於安人此篇極於盡性王道斯爲至也

思齊四章章六句

思齊歲武王也爲武王自歲之辭

思齊大任。文王之母。思媚周姜。京室之婦。大如罔微音。則百斯男。

思齊以齊存心也。媚順也。周姜大王妃也。大王始邑於周。故謂大姜爲周姜也。京猶周也。周以地名。京以地之高大言也。言大任以齊存心。故能以順周姜存心而成京室之婦也。大如文王妃也。言大對武王而以母尊也。嗣徽音。繼大任之美譽也。百男言其多也。歷數陰教之降。以見有天下由於正家也。

惠于宗公。神同時怨。神同時憫。刑于寡妻。至于兄弟。以御于家邦。惠順也。宗。大宗。公。先公也。神。后稷以下至文王也。憫。刑法也。寡妻。寡德之妻。謂邑姜也。御。馭也。家有邑大夫。邦有國諸侯也。蓋周世之陰教。雖降實由先公之反身以假家也。故王之治天下也。必先惠宗公。刑寡妻。至兄弟而後可御家邦也。

雖離在宮。肅肅在廟。不顯亦臨。無射亦保。肆戎疾不殄。烈假不瑕。雖離和之至也。肅肅敬之至也。宮統十二室而言。廟則朝會之處也。不顯幽隱之地。臨臨以莊也。射厭也。保猶守也。極言主敬不可懈也。肆故也。戎疾既克。商而遺大疾也。不殄獲瘳也。烈功假大也。功之大者克商而有天下也。瑕疵也不瑕無慙德也。此就已事而言。

不聞亦式。不諫亦入。肆成人有德。小子有造。古之人無斃。譽髦斯如。

聞前聞也。式法也。無前聞而亦合於法。不待諫而亦入於善。非自修之至不能也。已冠爲成人。小子童子也。造造於德也。古之

人文王以上也。譽髦成其髦，而且有譽也。上能無戮乎？古人下能譽髦乎？斯古則庶幾賢才舉而天下可長治矣。此雖據今而言，而尤切恒久於將來也。

此詩推本內教世澤，以有天下而遂極之修身而身修作人，而人作視前二詩尤爲親切，而求治須賢則其義一也。傳曰：師歲曉賦，曠誦此三詩所由作，以自儆歟。

皇矣八章章十二句

皇矣旅上帝於岐山，以大王王季文王配也。

皇矣上帝，臨下有赫，監觀四方，求民之莫。維此二國，其政不獲，維彼四國，是究是度。上帝著之，憎其式廓，乃眷西顧，此維與宅。

皇大也赫威明也監察也莫安定也二國夏商也不獲失其道也四國四方之國也究尋度謀者致廓大也究之度之於四國無不致其求莫之意也然有國者但恃其國之大而皆無莫民之志故上帝憎惡之不得已而西顧岐山以其地宅大王也此宅謂岐山也蓋岐山之下本無國邑故上帝特以其地與大王使之闢而宅之也

作之屏之其舊其翳修之平之其灌其柵啟之辟之其榿其楮攘之剔之其縻其柘帝遷明德串夷載路天立厥配受命既固

作拔起也屏去之也留木立死者翳木橫斜蔽翳者修平皆治使疎直也灌叢生者柵行生者啟辟芟除也榿河柳楮楮也可

爲林檎剔去煩冗也。鑿山桑與柘皆美材可爲弓幹又可爲也。
遷自幽來遷也。明德有明德者謂大王也。串習夷平也。岐地本
皆林木險阻自大王遷之而習慣平夷遂成大路也。配配天也。
商既不可配天故天立大王爲配而使之受命已堅固也。以上
二章言大王受天命也。

帝省其山。作棧斯拔。松柏斯兑。帝作邦作對。自大伯王季。維此王
季。罔心則友。則友其兄。則篤其慶。載錫之光。受祿無喪。奄有四加。
省視也。山岐山也。拔兌言山林開闢道路成也。邦天子之邦也。
對猶當也。言擇可當此邦者以君之也。自從也。大伯大王長子。
王季大王少子也。大伯爲長子本當嗣位而上帝爲邦作對在

於王季故大伯遜讓亦若天使之遂從大伯之讓而對邦及於王季也。因順也。然王季豈有心越次于位哉。亦因大伯善讓之心而盡其友兄之道耳。蓋使王季必固執其節而不受則既違大伯讓位之心又失上帝作對之意。必不能有慶有光而受祿矣。是爲其慶而錫之光遂能受祿無喪而有四方者皆王季因心友兄之所致也。

維此王季。帝度其心。貺其德音。其德克明。克明克類。克長克君。王此大邦。克順克比。比于文王。其德靡悔。既受帝祉。施于孫子。

度。忖量也。帝度其心。猶言天誘其衷也。貺。同。莫。德。正應和也。其德克明。能自明其德也。克。類。能分善惡也。克。長。教誨不倦也。克。

君賞慶刑威也。此謂岐山也。曰王曰大邦者。日益開闢有王天下之勢也。克順慈和徧服也。克比上下相親也。比至也。比文王而靡悔言王季之德承大王而啟文王終始無遺憾也。此王季所以既受帝祉而延及孫子也。以上二章言王季受天命也。帝謂文王。無然畔援。無然歆羨。誕先登于岸。密人不恭。敢距大邦。侵阮徂共。王赫斯怒。爰整其旅。以按徂旅。以馬周祜。以對于天下。以下四章皆言文王受命之事。帝謂文王設爲天命文王之辭也。無然猶言不可如此也。畔背畔援攀援也。言舍此而取彼也。歆音羨。慕也。言肆情以徇物也。岸水行至實地處。即道之所在也。言人必能無畔援歆羨而後能先至於道也。密密須氏姑妹。

國在今陝西涇州靈臺縣西距邊也阮國亦在涇州共阮邑即
共池王父王也直稱王者殷政下綱密人無王而恃強侵小文
王能行方伯之職即王者之師也赫有威也其旅周師也接遇
也祖旅密師之往共者也既篤周祜而又可對天下者因天下
之公怒而無畔援歆羨之私故也

依其在京侵自阮疆陟我高岡無矢我陵我陵我阿無飲我泉我
泉我池度其鮮原居岐之陽在渭之將萬邦之方下民之王

隈倚也文王倚在京之卑侵密自阮疆始也矢陳鮮美將側方
向也於是陟我之岡而人無敢陳兵於陵飲水於泉以拒我也
於是又度其原而徙都焉所謂程邑今西安府咸陽縣也居岐

之陽文王所以配享岐山也萬邦向而下民王蓋周之有天下
基於伐密也

帝謂文王。予懷明德。不大聲以色。不長夏以革。不識不知。順帝之
則。帝謂文王。詢爾仇方。同爾兄弟。以爾鈞援。與爾臨衝。以伐崇墉。
予設爲上帝。自予也。懷眷念也。明德。謂文王也。以猶與也。夏用
木革用皮。皆鞭扑之刑。不大。不長。不作。威福也。不識。不知。不作
聰明也。即明德也。德本於天。能明。未有不順帝則者也。仇方。讐
國也。兄弟。與國也。鈞。援所以鈞引上城。即雲梯也。臨。臨車衝衝
車皆攻城之具也。崇。國今西安府鄠縣。即豐邑也。崇侯虎當階
文王於紂。紂囚文王於羑里。是仇方也。墉。城也。

臨衝閑閑崇墉言言執訊連連攸職安安是類是禍是致是附四方以無侮臨衝第第崇墉仡仡是伐是肆是絕是忽四方以無拂閑閑練習也言言高大也連連接續也馘割耳也軍法獲者不服則殺而獻其左耳也安安不輕舉也類將出師祭上帝也禍至所征之地祭黃帝及蚩尤始造軍法者也致致師附附城也致者深入附者羣集也無侮畏威而不敢侮也第第盛貌仡仡堅貌伐聲其罪肆陳其尸絕滅其國也忽易也傳云忽諸是也拂違也四方無拂天下皆悅服也周之有天下成於伐崇也

周之受命本由天授然於大王曰帝遷明德於王季曰其德克明於文王曰予懷明德則三后之拘係從維隨時而克享

天心者亦於斯可見矣

靈臺五章章四句

靈臺武王建國學也今鄆縣東有靈囿囿中有臺

經始靈臺經之營之庶民攻之不日成之經始勿亟庶民子來
經度也靈臺即保章氏觀星望雲物之臺也營表攻作也下日
不多日也亟急也子來如子來趨父事也

王在靈囿鹿攸伏鹿鹿濯濯白鳥鵲鵲王在靈沼於物魚躍
王武王也王者建國辨方正位中城之外南東西三面以制六
鄉其北則爲囿游之地中建國學國學之北爲臺臺北平地爲
囿丘爲冬至祭天之所國學之南爲澤澤中爲方丘爲夏日

至祭地之所澤者沼也國中之水之所鍾也方丘環之以澤四海環地之象也天居北而高地近南而下人不學不可以爲人國學居中三才之道也東西皆爲圓圓者有也萬物無不有也飛潛動植與人並生於天地之中故羅列於國學之旁太和成若之象也伏馴而伏也濯濯肥澤貌蒿蒿潔白貌物滿也

虞業維樅。貢鼓維鏞。於論鼓鐘。於樂辟廱。

虞植木以懸鐘磬其橫者曰枸業枸上大板刻之捷業如鋸齒者也樅業上懸鐘磬處以采色爲崇牙其狀樅樅然也貢大鼓鏞大鐘也論倫也八音得鐘鼓而和無奪倫也辟廱即射宮國學也樂師掌國學之政六樂所會樂莫備焉故曰於樂辟廱也

於論鼓鑄於樂辟靡。鼂鼓達達。喙啖奏公。

鼂似蜥蜴皮可冒鼓達達聲大也有眸子而無見曰瞽無眸子曰瞽公公事也奏公者將用樂則以鼓徵學士也

武王遷都錫京首建國學合國之子弟以興學此建極之本也建國新政其形於咏歌者當不少矣大雅僅錄靈臺其亦取其至要以爲後世法歟

下武六章章四句

下武武王告成王業於三后也

下武維周。世有哲王。三后在天。王配于京。

下垂武迹也猶言垂統也周自大王邑周統王季文王而言也

哲王謂後王也言三后創業垂統後當世有哲王以繼之頌禱辭也后君也諸侯爲一國之君其尊後於王也三后謂大王季文王也生未爲王故但言后尚未追王也在天猶言在上在帝左右也王武王也配配天命而有天下也京鎬京也此以即位告也

王配于京世德作求永言配命成王之孚

德明德也言三后世有明德武王作而求之亦欲世其德也武王伐紂而有天下固已配命於京矣然必思所以長其配命之道乃可以成其爲王而信世德於天下耳

成王之孚下土之式永言孝思孝思維則

式則皆法也。夫成其爲王而孚於天下，當何如哉？亦惟在建極而爲下土之法矣。然下土之人又於何而取法乎？惟有長言思盡其孝而已。然思盡孝又豈有他哉？惟以三后爲法，則孝思備矣。

媚黷一人，應侯順德。永言孝思，昭哉嗣服。

媚愛也。一人，天子也。應如王，應侯志之。應侯諸侯也，服習也。言天下之愛戴武王以爲天子者，乃此應志之。諸侯順乎世德耳。則長言思盡其孝，其維益昭其德，以繼嗣而服習之乎？

昭茲來許，繩其祖武。於萬斯年，受天之祜。

繇此也。來後世也。許，斯繩繼也。言昭此明德，非僅一身計也。且

爲後世期而並使繩其祖武焉蓋三后既已下武則後世不可不繩武也如是庶可永配命於萬年而受天祐乎

受天之祐四方來賀於斯萬年不遐有佑

四方四方諸侯也賀賀新天子即位也夫受祐於何見之即此四方來賀而可見矣自是而後雖受祐萬年不以爲遠亦惟恃有四方之佐故也此并爲歸美於下之辭

武王纘三世之緒孟津之役不期而會者八百國而猶以爲未可追武功成而率諸侯以告廟天下共曉然於世德之孚則所以上承三后下寧萬國者受命有真不可誣矣錄此詩其以標王命之準靖闇于之念於後世歟

文王有聲八章章五句

文王有聲尊文王武王爲世室百世不祧也

文王有聲通駿有聲通求厥寧通觀厥成文王烝哉

聲聲聞也通發語辭言聲譽聞於天下大而且疾其所以致有聲者必有由矣蓋文王之始志求天下之安寧而其後克觀其成功焉此其所以有聲而當世世不祧也烝進也進爲世室而不祧也

文王受命有此武功既伐于崇作邑于豐文王烝哉
作邑徙都也豐即崇國之地此言武功當世室也
築城伊瀉作豐伊瀉匪棘其欲通追來考王后烝哉

滅城外大溝即護城池也。匹稱林惠來得也。築城伊滅鑿深增
高設險以自固也。作豐伊匹度地居民與都邑相稱也。此非文
王急爲自植之欲底幾追繼大王王季之志而得盡其孝耳。王
后者可以爲王之君。但未有天下而已。亦謂文王也。此言建都
當世室也。

王公伊馮。維豐之垣。四方攸同。王后維翰。王后烝哉。

公功濯大垣城也。文王未嘗王也。而王者之功已大。維此豐垣
之成也。自是四方來同而爲天下君若有翰翼之者焉。此大同
當世室也。以上言文王。

豐水東注。維禹之績。四方攸同。皇王維辟。皇王烝哉。

豐水今出鄠縣東南終南山注流績功也皇王有天下之號謂
武王也辟君也此因豐水之東流而言武王循為績以東征也
文王之四方來同但有其勢耳尚未集其事也至武王伐商而
四方同遂有天下而莫大惟王為天下君矣此有天下當世室
也以下言武王

鎬京辟靡自西自東自南自北無思不服皇王烝哉

鎬邑名鎬京武王所建天子之都也在豐邑東武王既有天下
則豐邑尚循諸侯之制不可以為都也故必建鎬京而大王制
焉辟靡王國學名建王國而首制辟靡以育賢才急先務也辟
明靡和也國學立而人倫明天下大和故因以為名也由是而

推行之四方無不心服此建辟雍當世室也

考卜維王。宅是錫京。維龜正之。武王成之。武王烝哉。

考稽宅居正決也。成成其事也。此宅錫京當世室也。

豐水有芑。武王豈不仕。詒厥孫謀。以燕翼子。武王烝哉。

芑草名。仕事詒遺。燕安翼輔也。子成王也。言豐水猶有芑。武王豈無所事乎。遺後嗣無窮之謀。以安輔其子。則大業無疆矣。此詒孫謀當世室也。

詩未有以謚王名篇者。至大雅之首什而始以文王終。以文王有聲何也。始以文王。以文王之有其情也。終以文王有聲。有其情者。未有無其聲者也。而周之王業成於文王。又於斯。

益信堯聖人嘗自言之曰文王既沒文不在茲乎蓋聖人經緯天地之心尤於文王有深契焉至十篇之中於西周有天下之故往復詳盡脈絡貫通亦秩然有序云爾

文王什十篇六十六章四百一十四句

生民什三之二

生民八章四章章十句四章章八句

生民大禘也以后稷配上帝而享先妣也

厥初生民時維姜嫄生民如何克禋克祀以弗無子履帝武敏歆攸介攸止載震載夙載生載育時維后稷

民者氏之成人者也婦人以父母家爲氏氏繫女子未成乎文

夫也生子則謂之民矣時是也姜嫄名后稷母也言周之先
本無人溯其初之生民則是姜嫄也因又言姜嫄之生民如何
特爲發問以表非若尋常之生民也裨精意以祭也祀祀先稷
也古者女子及笄則父母爲之祀先稷以待字也弗不也不可
以無子祝女子有家之禱辭也履踐也帝上帝也武足敏拇也
言姜嫄當祀先稷之後忽若踐上帝之足之拇也歆感也履拇
而感上帝之聲氣也介助也神物之感有天佑也止容止也見
於容止不失常也震身動也夙早也謂先期而乳也生始生也
育撫之而成人也稷官名后稷主稼穡有功故封國成君也詳
述姜嫄之生后稷異於常人以明享先妣即享上帝禮以義起

不嫌於創也

誕彌厥月。先生如達。不圻不副。無菑無害。以赫厥靈。上帝不寧。不康禋祀。居然生子。

誕發語辭有奇異之意。彌滿也。月孕月也。先生先時而生也。達七月羔也。人必十月乃后稷之彌月。則先人之時而如達也。圻副皆裂也。菑害疾痛也。赫顯也。言姜嫄生子一無苦難。以顯上帝之靈也。康樂也。居然儼然也。子男子也。又言使上帝而不寧。不樂享我之禋祀。豈竟儼然得生。后稷之子乎。

誕寘之隘巷。牛羊腓字之。誕寘之平林。會伐平林。誕寘之寒冰。鳥覆翼之。鳥乃去矣。后稷呱矣。實覃實訢。厥聲載路。

隘狹也。腓字以足肚煖附之也會值也。值人伐木而收之也。覆蓋翼藉也。以一翼覆之一翼藉之也。呱啼聲也。單長舒大載滿也。無人道而生子以爲不祥故屢棄之而輒有異兆遂收養之也。

誕實開。克岐克嶷以就口食。蓺之荏菹。荏菹旆旆。禾役穰穰。麻麥幪幪。瓜瓞唼唼。

匍匐手足並行也。克岐能坐克嶷能立也就向也。口食自能食也。荏菹大豆也。旆旆枝旗揚起也。役列也。穰穰生意遂而暢也。幪幪茂密也。唼唼當作華華多實也。言后稷能食時好以種植爲戲蓋天縱也。

誕后稷之穠有相之道弗厥豐草種之黃茂實方實苞實種實莢
實發實秀實堅實好實碩實果即有卽家室。

相助也后稷於種神而明之有輔相裁成之道也弗草盛貌豐
草茂盛之地一歲之苗田也種布種也黃茂嘉穀也方旁枝多
也苞盤根固也種始生短傑也稊漸長侈盛也發暢發也秀始
米也堅科幹堅也好形神好也碩果碩銳也果米實碩也卽后
稷食邑今陝西乾州武功縣有釐城驛詳言后稷善於教稼故
能有功於民而受封於卽以有家也

誕降嘉種維秬維秠維糜維芑恒之秬秠是穫是畝恒之糜芑是
任是芑以歸肇祀。

於門內也。燔傳諸火也。烈貫而加諸火也。興起也。嗣歲來歲也。卬盛于豆。于豆于粢。其香始升。上帝居歆。胡臭亶時。后稷肇祀。底無罪悔。以迄于今。

卬我也。木曰豆。以盛豆。膳凡曰登。以盛大羹。香馨香也。香氣上升而上帝已居其位。若有聲氣而散享也。胡臭亶時。言何但芳臭之騰誠得其時也。迄至也。今謂祭時也。言此禘祭之禮自后稷肇祀以來。世世相承。幸無罪悔。故得至今而備禮以致祭也。禮曰。王者禘其祖之所自出。以其祖配之。春官司尊彝之追享大司樂之享先妣。皆謂是也。出者。值言女子之所生。無父者也。事本異常。故或問禘之說。而聖人曰不知。且曰知其說。

者之於天下也。其如示諸斯乎。夫固顯以王者受命之符告。或人矣。後儒不得其說。或云三年。或云時事紛如聚訟。果有當乎此。什首生民追遠之至。王道之大者。所以爲大雅而不同楚茨諸詩也。

行葦四章章八句

行葦穉穉燕同姓也

敦彼行葦。牛羊勿踐履。方苞方體。維葉泥泥。戚戚兄弟。莫遠具爾。或肆之筵。或授之几。

敦聚貌。行葦葦根行地下交錯盤固也。勿踐履勿爲牧地以傷之也。苞叢生體連結也。泥泥柔澤貌。惟其同根聚生。無有殘賊。

故能盛也。戚戚親之至也。莫猶勿也。爾同。通肆陳也。筵蒲筵几。雕几也。燕必有筵。若几則優尊老也。

肆筵設席。授几有緝御。或獻或酢。洗爵奠斚。醢醢以薦。或燔或炙。嘉穀脾臠。或歌或罵。

設席重席也。緝續御侍也。有緝御言侍者衆也。莫莫而不舉也。聲畫稼於爵以爲飾。股爵也。獻酢洗奠皆飲酒之禮也。醢醢之多汁者。臠口上肉也。比琴瑟曰歌。徒擊鼓曰罵。此燕飲也。

敦弓既堅。四銀既鈞。舍矢既均。序賓以賢。敦弓既句。既挾四鐙。四鐙如樹。序賓以不侮。

敦雕通。天子雕弓。銀金銀翦羽矢也。鈞鐙與幹參侍適平也。舍

發也均皆中也。賢中多者爲賢也。句殺通引滿也。射禮措三挾一既挾四餗四矢畢發也。如樹如手就樹之言貫堅而正也不侮敬也不以中病不中者也。射以中多爲雋以不侮爲德此燕射也。

曹孫維主。酒醴維醴酌以大斗以祈黃耆。黃耆台背以引以翼。青考維祺以介景福。

曹孫主祭者之稱祭畢而燕故仍稱之也。丰主人也。醴厚也大斗加爵也。所以侑飲使不醉無歸也。以祈黃耆猶以介眉壽也。台鮎也。人老則背有鮎文引導翼輔祺吉也。言兄弟俱以大年導輔王室以祈永命而介景福也。此加侑而終以頌禱也。

周道親親而因祭以修同氣連根之意尤爲親切

既醉八章章四句

既醉同姓燕平祝王也

既醉以酒既飽以德君子萬年介爾景福

德恩惠也君子爾皆謂王也

既醉以酒爾般既將君子萬年介爾昭明

昭明昭其明德也

昭明有融高明令終令終有假公尸嘉告

融和也睿智所昭渾然無迹不以察察爲明也高在上也朗虛明也令終善終也德本虛明但一有所蔽則明於始者鮮克有

終矣故以令終爲規也。倣始也。公尸后稷之尸也。雖祀以天子之禮而不敢追王故但稱公尸也。嘉告以善言告之謂嘏辭也。言令終於何知之即今之有始已可卜將來之令終而且以公尸之嘉告實之也。

其告維何。邊豆靜嘉。朋友攸攝攝以威儀。

靜嘉安靜柔嘉薦邊豆者之儀也。朋友指賓客助祭者攝檢束也。言助祭者見王禮儀之備亦無不各攝於威儀也。自此以下皆述尸告之辭。

威儀孔時。君子有孝子。孝子不匱永錫爾類。

孔時猶云聖之時也。孝子謂王世子也。禮祭祀之終有嗣舉與

不遺世世相承無已也類猶肖也永錫爾類世世有賢嗣以克家也

其類維何室家之壺君子萬年永錫祚胤

壺同梱比堂也所以辨外內者言孝子克家由於正家也祚歲數也胤子孫也能正家則福祚傳於無窮也

其胤維何天被爾祿君子萬年景命有儀

被覆僕附也言天覆以祿則明命常相附也

其僕維何釐爾女士釐爾女士從以孫子

釐子也女士女之有士行者謂生淑女爲內助也從隨也娶女士則生賢子孫矣

此與假樂因頌爲規義與小雅天保大略相似但此由大祭
之後故登大雅

鳧鷖五章章六句

鳧鷖繹賓尸也

鳧鷖在涇。公尸來燕來寧。爾酒既清。爾殽既馨。公尸燕飲。福祿來
成。

鳧水鳥如鴨者。鷖鷖爾自歌工而謂王也。馨香之遠聞也。

鳧鷖在沙。公尸來燕來宜。爾酒既多。爾殽既嘉。公尸燕飲。福祿來
爲。

爲猶助也

兔鷕在渚。公尸來燕來處。爾酒既清。爾殽伊臠。公尸燕飲。福祿來下。

清酒之沛者。既有折俎之醑。又有脯醢。故變文言伊也。

兔鷕在渚。公尸來燕來宗。既燕于宗。福祿攸降。公尸燕飲。福祿來崇。

深水會也。來宗尸有神道而尊也。宗始祖之廟。羣宮之所宗也。崇積而高也。

兔鷕在臚。公尸來止熏熏。旨酒欣欣。燔炙芬芬。公尸燕飲。無有後艱。

疊水流峽中。兩岸如門也。熏熏和說也。欣欣樂也。芬芬香也。無

有後艱則福祿無窮矣

祭畢尸不與燕繹而賓之尊之不敢儕於眾兄弟敬神之意也故詩亦止爲頌禱之辭不敢褻也

假樂四章章六句

假樂公尸因繹祝王也

假樂君子顯顯令德。宜民宜人。受祿于天。保右命之。自天申之。

假同嘉君子謂王也。顯顯德之著也。民同姓也。人有爵位者也。申重也。

千祿百福。子孫千億。穆穆皇皇。宜君宜王。不愆不忘。率由舊章。子孫千億。即福也。穆穆敬也。皇皇尊也。君大君也有尊敬之儀。

斯稱其位也。愆過也。舊章先王之制也。

威儀抑抑。德音秩秩。無怨無惡。率由羣匹。受福無疆。四方之綱。匹類也。羣匹。眾賢同類者也。言有威儀聲譽之美。故能無怨惡於人。而推其本則又不自用而惟賢是從也。如是則受福無疆而四方以爲綱矣。

之綱之紀。燕及朋友。百辟卿士。媚于天子。不解于位。民之攸暨。燕安也。朋友異姓爲賓者。百辟諸侯卿士王官也。言王能正其大綱則凡小紀之在於同異姓諸侯卿大夫者無不安其位而思媚於天子也。解同懈怠也。位天位也。民即宜民之民。暨盡也。仰也。王其不懈乎位乎同姓之民。固無不仰望於王也。終之以

規也

行葦以下四詩皆因生民而及與文王之什皆周有天下之
大典也凡爲大雅十五篇數與小雅鹿鳴同

公劉六章章十句

公劉召康公戒成王也

馬公劉匪居匪康。迺場迺疆。迺積迺倉。迺裹餼糧。于橐于囊。思輯
用光。弓矢斯張。干戈戚揚。是方啟行。

篤厚也言其德之厚也公劉后稷之後劉其字也匪居不懷土
也匪康不自逸也積露積也裹包也餼食糧糗也橐囊囊袋
和戚斧揚鉞方始也言公劉思慮既和輯故動用有光輝餼糧

既富武備俱全始謀啟行而遷都慎重之至也

萬公劉于胥斯原既底既繁既順迺宣而無永歎陟則在嶠復降在原何以舟之維王及瑤鞞琫容乃

原幽地之原也啟行至幽原遂相率而定居也底繁人底而居繁也順寧順地勢而布散之也無永歎得其所也嶠山頂也舟帶容飾也以鞞與琫飾刀也言公劉陟降嶠原以相去而劍佩俱有儀也

萬公劉逝彼百泉瞻彼溥原迺陟南岡乃觀于京京師之野于時處處于時廬旅于時言言于時語語

百泉在涇州有泉百餘大旱不竭逝徧閱之也溥大也自溥原

而南升其岡而後見大丘之可爲邑居也遂因其大而使眾人耕於其野於是築邑以處居民又爲廬於野以安旅人而言語以謀議不自專也

爲公劉于京斯依。蹢蹢濟濟。俾筵俾几。既登乃依。乃造其曹。執豕于牢。酌之用匏。食之飲之。君之宗之。

依倚也。倚京以爲治也。蹢蹢濟濟有威儀貌。俾使也。使人爲筵几以行禮也。肇登筵依依几也。造進也。曹羣也。謂同輩之人進以親之也。牢。牢也。以豕爲餼用匏爲爵儉以質也。宗尊也。主也。同姓尊以爲主也。公劉立國之初雖飲食儉約而禮儀詳備故人樂君宗之也。

爲公劉既溥既長既景適岡相其陰陽觀其流泉其軍三單度其
隰原徹田爲糧度其夕陽幽居允荒

溥長從衡壅辟也景以日景正四方也岡登岡也陰陽向背寒
暖之宜流泉水泉灌溉之利也萬二千五百人爲軍三單一車
甲士三人所以乘車出戰制步伐者也隰下原高度之者因地
勢爲萬夫之田也徹田爲糧使萬夫共耕公田即歲取十千也
山西曰夕陽荒大也又度夕陽爲田而幽居益大也

爲公劉于幽斯館涉渭爲亂取厲取鋸止基適理爰取爰有夾其
皇澗遊其過澗止旅適密芮鞠之即

館客舍也亂截流橫渡也厲砥鍔鐵止居基定也理疆理也取

人多有地廣也邇邇也皇過三澗名芮水內鞠水外其水即涇
渭也此總叙終始而言其始未定居之時涉渭取材既定其居
適理其野人日益卑地日益闢於是夾皇澗邇過澗至於即芮
鞠而豳地允荒也

公劉上承后稷下啟大王固周未有天下之先之中權也故
小雅既存楚茨四詩而此又因康公之戒繼大雅而錄之蓋
詩雖由成王蒞政而作而公劉之規模宏遠實王政之始基
故詩篇次於十六既居三十一篇之中而公劉名篇又與文
王名篇同義但公劉以無諡而舉字耳

洞酌三章章五句一

洞酌亦名康公戒成王也

洞酌彼行潦。挹彼注兹。可以餽餽。豈弟君子。民之父母。

洞遠挹取泔盛也。餽烝米一熟而以水沃再烝也。餽酒食也。所以供賓祭者行潦至微而挹注可供大用。喻立賢無方不可以道之遠人之微而忽之。始可爲民父母也。君子謂王也。

洞酌彼行潦。挹彼注兹。可以濯盥。豈弟君子。民之攸歸。

洞酌彼行潦。挹彼注兹。可以濯盥。豈弟君子。民之攸歸。

濯盥濯盥喻滌污以日新也

上篇法祖此篇求賢守成無爲之要道也

卷阿十章六章章五句四章章六句

卷阿亦召康公戒成王也

有卷者阿。飄風自南。豈弟君子。來游來歌。以矢其音。

卷曲也。阿大陵也。君子謂王也。矢陳也。音歌詩之音也。言因王之游歌而陳新音以賡歌也。

伴渙爾游矣。優游爾休矣。豈弟君子。俾爾彌爾性。似先公苗矣。伴與優游皆閒暇之意。爾亦謂王也。彌猶盡也。性即理也。似肖也。先公文王以上也。苗久也。歷年永久也。

爾土宇畷章。亦孔之厚矣。豈弟君子。俾爾彌爾性。百神爾主矣。畷章大明也。土宇畷章周知地域廣輪之數也。百神以爲主則性不可不盡也。

爾受命長矣。弗祿爾康矣。豈弟君子。俾爾彌爾性。純嘏爾常矣。
弗盛也。純無間斷也。嘏大也。常不變也。以上三章責王盡性也。
有馮有翼。有孝有德。以引以翼。豈弟君子。四方爲則。

馮依翼輔也。孝言其本德。言其全四者皆賢之能引翼乎人者。
也。故願王以之。則四方以爲則也。此責王求賢也。蓋欲自修者。
必用賢以自輔也。

願爾印印。如圭如璋。令聞令望。豈弟君子。四方爲綱。

願爾印印。尊嚴也。如圭如璋。純潔也。令聞令望。名譽威儀著於
天下也。蓋既能修身。又能用賢。乃皇極建而天下歸也。

鳳凰于飛。翾翾其羽。亦集爰止。藹藹王多吉士。維君子使。媚于天。

子

鳳凰靈鳥也。雄曰鳳，雌曰凰。來見爲天下文明之象。翩翩飛聲也。言鳳凰之飛，翩翩由其羽之衆多，輔翼之故。飛既有聲而集亦得其所止，以喻文明之君必求多賢以自輔也。藹藹多貌。言善也。言賢才衆多，惟王善用之，則無不上而盡其事。君之誠也。鳳凰于飛，翩翩其羽，亦傳于天。藹藹王多吉人。維君子命，媚于庶人。

傳于天，順天而動，喻王與天同德也。媚于庶人，下順於民也。鳳凰鳴矣，于彼高岡。梧桐生矣，于彼朝陽。萋萋翼翼，離離喑喑。梧桐材中琴瑟，山東曰朝陽，萋萋翼翼之盛也。離離喑喑，鳴

之和也。鳴鳶岡則聞遠生朝陽則材美以美材致遠聞乃可以成太平之盛也。

君子之車既庶且多。君子之馬既閑且馳。矢詩不多。維以遂歌。閑習也。遂直遂也。車馬衆多而閑習足以待天下之賢也。而不言車服以庸欲王自得於言外。尤以求賢爲急也。不多遂歌者言詩無他說。惟以直遂所歌之意望王法祖求賢而已。

似先公即公劉之意。多言士。即洞酌之意。而此詩以誦爲規。尤極反覆詳盡之致。蓋以召公歷相文武成康爲西周開創守成莫二之元老。故備錄三詩於大雅之後。以彰其相業之隆。而召公末章又不勝有如召公之慨也。

民勞五章章十句

民勞召穆公諫厲王也

民亦勞止。汙可小康。惠此中國。以綏四方。無縱詭隨。以謹無良。式遏寇虐。憯不畏明。柔遠能邇。以定我王。

汙幾也。中國京師。四方諸侯也。京師者諸侯之極也。說隨不顧是非而朋比者也。說隨者無良之始事也。不縱之則無良者知謹矣。遏止也。寇虐寇亂暴虐之人也。憯憂也。明明威也。寇虐之人不畏明威。尤宜遏絕。不可不憂也。柔安也。能順習也。不可斥王。故託言定王者也。王定則天下平矣。

民亦勞止。汙可小康。惠此中國。以爲民逌。無縱詭隨。以謹無良。式

過寇虐無俾作惡。敬慎威儀以近有德。

民亦勞止。汙可小愒。惠此中國。俾民憂泄。無縱詭隨。以謹醜厲。式遏寇虐。無俾正眚。戎雖小子。而式弘大。

愒息泄去厲惡也。正眚正道敗壞也。戎汝也。言汝雖小子而人以爲式所繫甚大也。

民亦勞止。汙可小安。惠此中國。國無有殽。無縱詭隨。以謹縫緦。式遏寇虐。無俾正反。王欲玉如。是用大諫。

縫緦小人之固結其君者也。正反反於正也。玉寶愛之。意欲玉女而用大諫。借王之所愛以傲王也。

爲治之道。待良善以寬。糾讒惡以猛。然後能平天下以和也。

詭隨無良其謂榮夷公之徒歟蓋寇虐不過則不至流蕪未
已也此詩諫正雖詳盡而辭尚寬緩豈猶厲王初立天下未
至大壞歟

板八章章八句

板凡伯諫厲王也

上帝板板下民卒瘁出話不然爲猶不遠靡聖管管不實於匱猶
之未遠是用大諫

板木之析而散者上帝板板言天心好亂故天下大勢崩解如
大木析而爲板片片分散也卒瘁瘁病也不然不是也聖通明
也管管見小也言不是謀不遠見不明意不誠則民豈有不病

者乎而要之謀以出治故又因未達而作詩以大諫也

天之方難。無然憲憲。天之方蹙。無然泄泄。辭之輯矣。民之洽矣。辭之懌矣。民之莫矣。

憲憲以不善示人爲法也。蹙疾動而有顛覆之患也。泄泄舒緩。黨睦輯和。洽合懌莫定也。輯懌則詒然矣。洽莫則民不瘁矣。

我雖異事。及爾同僚。我即爾謀。聽我鶯鶯。我言維服。勿以爲笑。先民有言。詢于芻蕘。

異事不同職也。同僚同官也。喻君臣雖異位而同體也。即就也。鶯鶯自是不受言貌。服用也。言皆可用也。先民古賢人也。芻蕘

采薪者也。雖至愚之人。而言有可用。極言其言之不可忽也。
天之方虐。無然譔譔。老夫灌灌。小子踴踴。匪我言耄。爾用憂譔。多
將煬煬。不可救藥。

諱戲玩也。老夫詩人。自稱灌灌。盡誠相告。如水之灌漑也。踴踴
憊蹇不信也。耄老而昏也。用憂譔以憂爲戲也。煬煬熾盛也。戲
諛甚則如火之盛。不可救治也。

天之方憊。無爲孝貺。威儀卒迷。善人載尸。民之方殿屎。則莫我敢
侮。喪亂既資。曾莫惠我師。

憊怒夸大貺附也。孝雖大而不實貺。雖貺而多私。故於威儀多
迷惑而善人亦尸位而旁觀也。殿屎說文作噉。呻吟病甚聲。

也。葵葉衛本民既病甚則無敢保其戴上也。幾無資藉也。惠加惠也。師即空我師之師言喪亂將至無所藉以禦之。惟有加惠我師則任官惟賢庶幾善人不至載尸而喪亂可已也。

天之牖民如燠如篪如璋如圭如取如攜。攜無曰益。牖民孔易民之多辟。無自立辟。

牖開導也。言天之導民如燠如篪之唱而必和如圭璋之判而必合如取物之惟手所持民之所欲天必從之也。然即以攜物喻勿曰我能攜之即皆有益也。蓋取於正則益取於邪則損上之導民其易亦與天無二也。今民既多邪辟矣而尚可立辟以導之耶。

三書
二
三
价人維藩。大師維垣。大邦維虜。大宗維翰。懷德維寧。宗子維城。無俾城壞。無獨斯畏。

价大也大德之人也藩籬也大師六軍也垣牆也大邦收伯也屏蔽也大宗強族也翰翼也懷德維寧修德則國安也宗子同宗之子姓也獨獨夫也至戚畔則爲獨夫是可畏也

敬天之怒無敢戲豫。敬天之渝無敢馳驅。昊天曰明及爾出王。昊天曰旦及爾游衍。

渝變也王往通出王出而有所往也旦日始出而天清明也衍寬也及爾者言無不照見也終之以敬天探本也

此篇文義視上篇爲較切蓋已有流彗之機矣

生民什十篇六十一章四百三十三句

蕩什三之三

蕩八章章八句

蕩召穆公傷厲王將亡也

蕩蕩上帝下民之辟。疾威上帝其命多辟。天生烝民其命匪諶靡不有初鮮克有終。

蕩放蕩也蕩蕩法度廢壞貌辟君也言上帝爲下民之君而奈何其蕩蕩然也惟其蕩蕩故疾威而多辟矣此以上帝喻厲王之暴也多辟之命號令之命也匪諶之命存亡之命也烝衆謀信也匪諶言不可責命於天也鮮克有終將有流亡之禍也

文王曰咨咨女殷商。曾是彊禦。曾是掎克。曾是在位。曾是在服。天降禍德。女興是力。

以上上帝喻此以下又設爲文王之言而終之以殷鑒亦猶前二篇玉女同懷之意不可斥王故也。殷商紂也。彊禦以強力禦人暴虐之臣也。掎克以袞聚勝任聚斂之臣也。服事悃慢。興起也。力行也。言雖天降此敗德之人。亦由女興此人而用之耳。文王曰咨咨女殷商。而秉義類。彊禦多慙。流言以對。寇攘式內。侯作侯祝。靡屆靡究。

而亦女也。義善慙怨也。流言浮浪不根之言也。寇警據奪作興。祝呪也。言女常用善類而乃任此暴虐多怨之人。惟用流言以

對使爲寇讎於內乎宜其與謗之無窮也

文王曰咨咨女殷商。女怙然于中國。敎怨以爲德。不明爾德。時無背無側。爾德不明。以無陪無卿。

無怙氣健。魏敎怨以爲德。多爲可怨之事。而反自以爲德也。背後側旁陪貳也。言前後左右公卿之臣。皆不稱其官如無人也。文王曰咨咨女殷商。天不酒爾以酒。不義從式。既愆爾止。靡明靡晦。式號式呼。俾晝作夜。

酒飲酒變色也。天不酒以酒。而爾酒於酒。是自作孽也。式用也。止容止也。

文王曰咨咨女殷商。如蜎如蠓。如涕如夢。小大近喪。人尚乎由行。

內異于中國。單及鬼方。

蚺螭皆蟬也。如蟬鳴如沸。莫肯亂意也。尚尊尚也。小大之國皆近喪矣。而人所由行。顧尊尚其道而不止也。興怒也。鬼方遠國也。言天下無不怨怒也。

文王曰咨。咨女殷商。匪上帝不時。殷不用舊。雖無老成人。尚有典刑。曾是莫聽。大命以傾。

不時時不善也。或疑天下思亂乃上帝之不時而不知非也。由不用舊而然耳。老成人舊臣也。典刑舊法也。即云無人而法未嘗無也。何莫肯聽用而自傾其大命乎。

文王曰咨。咨女殷商。人亦有言。顛沛之揭。枝葉未有害。本實先撥。

版鑿不遺在夏后之世

顛倒沛拔揭起撥絕也言樹之倒拔而起者雖枝葉未害而其根已絕必不能生也鑿鏡也夏后祭也蘇氏曰商周之良典刑未廢諸侯未呼而其君先爲不義以自絕於天莫可救止也

此詩作而厲王流彘案小雅僅詳幽王之荒而不及厲幽之昏得於厲重亡國之戒也太雅錄民勞板蕩三詩厲之暴先於幽著基亂之階也

抑十二章三章章八句九章章十句

抑衛武公訓宣王也

抑抑威儀維德之隅人亦有言靡哲不愚庶人之愚亦職維疾哲

人之愚亦維斯戾。

隅康角也。猶坊也。閑也。威儀爲德。隅德虛而威儀著也。哲智也。靡哲不愚者。予智自用。即末有不愚者也。底人庸衆也。職主疾病也。哲人居天位者也。戾即亦是戾矣之戾。言底人之愚。僅主於一己之病。若居天位而自用其愚。其禍有不可勝言也。

無競維人。四方其訓之。有覺德行。四國順之。訂謨定命。遠猶辰告。敬慎威儀。維民之則。

競強也。無競即下文柔嘉輯柔溫恭之謂人。即哲人也。覺直大也。無競維人而四方訓之。即洪範之是訓也。有覺德行而四國順之。即洪範之是行也。訂大謨議定審命令。猶謀辰時告誥也大謨。

以審令則令乃可行而不反汗也。遠謀乃時誥則誥無過言而不至回適也。而其要尤在威儀之敬慎以爲民則益訓順訂遠之用必本乎敬以爲主也。

其在于今。興迷亂于政。顛覆厥德。荒湛于酒。女雖湛樂從。弗念厥紹。罔敷求先王。克共明刑。

今指當時言意則謂厲王也。興尚也。女與咨女殷商之女同。雖武公自謂實爲宣王言也。從從厲王也。紹繼也。所繼之緒則文王武王之業也。言雖欲從乎湛樂。獨不念紹業之艱難乎。罔猶非也。敷求先王。廣求先王之所行也。共。禁刑法也。苟非廣求先王之所行。又何能禁行明法也。

肆皇天弗尚。如彼泉流。無淪胥以亡。夙興夜寐。洒掃庭內。維民之章。修爾車馬。弓矢戎兵。用戒戎作。用邊蠻加。

弗尚。感棄之也。從湛樂而不求。先王乃矢。弗尚也。泉流流之不已者也。淪胥以亡。是相繼而亡也。天既弗尚。則不特厲王流殛。而今王又將以亡。繼之不可不戒也。夙興夜寐。宵衣旰食也。洒掃庭內。勵精圖治也。章著明也。夫如是。則民始衆。著於王之不堪樂從也。戎兵戈戟之屬。戎寇作起也。邊同惕蠻。方荆楚也。又修武備。以戒不虞。庶可使荆楚畏威。而知惕也。荆蠻先叛。後服。最爲強梗。故特及之。

贊爾人民。謹爾侯度。用戒不虞。慎爾出話。敬爾威儀。無不柔嘉。白。

圭之玷尚可磨也斯言之玷不可爲也

質卽民之質矣之質質爾人民猶云作周乎先勿以虛僞導之也侯度諸侯所守之法度卽王章也柔順嘉美也能慎敬則柔嘉矣玷缺也末四句極言出話之不可不慎也蓋敬儀固修己之本而慎話乃出治之要故下章又詳告之

無易由言無曰苟矣莫捫朕舌言不可逝矣無言不讎無德不報惠于朋友庶民小子子孫繩繩萬民靡不承

捫持朕我逝去讎答也人之所以易於言以其可以苟也其所以苟者以己卽不自持其舌而亦不妨於逝也而豈知所逝之言其善惡無有不答報者乎惟戒懼以慎之則所行自無不順

固將使子孫可以繩武而萬民亦無不承命耳。

視爾友君子。輯柔爾顏。不遐有愆。相在爾室。尚不愧于屋漏。無曰。不顯。莫予云觀。神之格思。不可度思。矧可射思。

君子成德之人。友之所以尊德而成己也。言人皆視爾友君子。而欲君子之爲我友。可不和柔爾之顏色乎。不遐有愆者。人之有過。不在於遠也。爾室至近。而有愧於屋漏。即愆也。屋漏。室西北隅也。格。至度。測。矧。況。射。厭也。言暗室猶有神。不可不戒慎。於不覩。以免愆也。

辟爾爲德。俾臧俾嘉。淑慎爾止。不愆于儀。不僭不賊。鮮不爲則。投我以桃。報之以李。彼童而角。實虹小子。

辟明也止容止也備是賊害也上章言愆之易有故此又言明德淑止則可以不愆而人以爲則也桃大李小人有投我以桃我即不能厚報之亦當報之以李禮無施而不報也虹同訐陷也欺也若不以童幼自牧而以崇高自肆則必至有投不報是猶童穉之獸而誇有頭角必無之理也苟爲有之不亦欺陷小子乎

往染柔木言緡之緣溫溫萃人維德之基其維哲人告之話言順德之行其維愚人覆謂我僭民各有心

柔木中琴瑟緡之緣言合樂而和喻德貴柔下亦承童角而反覆言之也故即以萃人德基明之覆反也哲者告之而順聽愚

者則反以告者爲羞是民各有心其愚智相去甚遠矣

於乎小子未知臧否匪手攜之言示之事匪面命之言提其耳借曰未知亦既抱子民之靡盬誰夙知而莫成

否不臧也非徒手攜而又示以事非徒面命而又提其耳則所以教使知臧否者至矣抱子則當有知矣然知亦非無自也惟不自盈滿則庶可知之早而不至於無成乎莫無也

昊天孔昭我生靡樂視爾夢夢我心慘慘誨爾諄諄聽我藐藐匪用爲教覆用爲虐借曰未知亦幸既老

孔昭福善禍淫不爽也生靡樂遭厲王之亂無可樂之事也夢夢昏也慘慘憂也諄諄詳熟也藐藐忽略也誨之諄諄而反以

爲虐則真無知矣。亦豈既老而昏故可委於無知耶。深傲之也。於乎小子。告爾舊止。聽用我謀。庶無大悔。天方艱難。曰喪厥國。取譬不遠。昊天不弔。回遘其德。俾民大棘。

舊舊章也。末六句即厲王流彘爲戒也。故曰不遠。

往復詳盡儼然師傅之嚴。蓋宣王初立。衛武攝政之誨也。若僅主自儆。則於大雅又何與。

桑柔十六章八章章八句八章章六句

桑柔芮伯惕宣王也

莞彼桑柔。其下侯甸。將采其劉。瘼此下民。不殄心憂。倉兄填兮。俾彼昊天。寧不我矜。

桑柔桑柔也苞桑可繫以爲固若穉桑則雖盛而繫不固故以爲喻下下其葉也即將采也句偏也劉纂樂也一作爆燦言驟落其葉不少留遺也桑既柔而取之恣則病甚矣殄絕也倉兄與愴怳同憂貌填滿胃也厲王暴虐民罹其病則國危之憂填胃而不能已也倬明貌矜憐也蓋亦以天喻王也

四牡騤騤旗旐有翩亂生不夷靡國不泯民靡有黎具禍以燼於乎有辰國步斯頻

牡騤旐旐征役不息即六月米芑之詩可見也夷平也泯猶亂也黎力田也燼灰燼也俱隨禍以燼滅猶云靡有遺也步運也頻急遽也言大亂之後可危之至也

國步淺矣。天不我將。靡所止疑。云徂何往。君子實維。秉心無競。誰生厲階。至今爲梗。

國步淺。資猶喪。亂淺。資也將助也疑。如疑立之疑。能止者也。徂行也。國危而天不助。故止不能定。行無可往也。君子謂宣王也。維思也。無競。即無競。維人之無競也。君子思之。則當以無競存心也。厲階。梯也。梗。不順也。誰生厲階。至今爲梗。夫非厲王心競之所致乎。欲宣王鑒覆轍也。

憂心慙慙。念我土宇。我生不辰。遘天俾戾。自西徂東。靡所定處。多我覯瘠。孔棘我圍。

俾。厚瘠。病困垂也。即謂土宇也。言寇患頻仍。故自西徂東。畿內

無可定處危之至也

爲謀爲處。亂況斯削。告爾憂恤。誨爾序爵。誰能執熱。逝不以濯。其何能淑。載胥及溺。

涉慎也。况同悅。削消除也。承上言疆圉既急。惟好謀而加之以慎。則亂之可憂者。斯能以次消除也。誨序爵。以德詔爵也。此因憂而告以削亂之本也。執熱手執熱物也。濯濯手於寒水也。又言誰能執熱而不以濯乎。如不以濯。其能淑乎。有必至相率而同歸於陷溺者矣。極言爵之不可不序也。

如彼邇風。亦孔之僂。民有肅心。并云不逮。好是稼穡。力民代食。稼穡維寶。代食維好。

邇鄉僂邑肅進奔使也又承上追言厲王暴虐不知序爵遂使
賢人隱遯也蘓氏曰君子視厲王之亂悶然如邇風之人邑而
不能息雖有欲進之心皆使之曰世亂矣非吾所能及也於是
退而稼穡盡其筋力與民同事以代祿食而已當是時仕進之
憂甚於稼穡之勞故曰稼穡維寶代食維好言雖勞而無患也
天降喪亂滅我立王降此姦賊稼穡卒瘁哀憫中國具贅卒靡
有旅加以念穹蒼

滅我立王厲王流於彘也姦賊蓋謂榮夷公之屬專利以病民
也贅危如贅也荒廢壞也旅眾也穹蒼天也穹言其形蒼言其
色王流則無主穡病則無食夫如是則中國贅荒不可爲矣泥

又無衆力相助以念天禍乎言宣王於亂後孤立可危之至也
維此惠君民人所瞻秉心宣猶考慎其相維彼不順自獨俾臧自
有肺腸俾民卒狂。

惠順也順於義理也秉心以宣猶則心存而所謀多善矣考成
也相輔弼之臣也慎相而責成之不自用也自獨俾臧自用獨
斷而欲使天下皆善也則必拂人之性而使民狂惑矣

瞻彼中林。姓姓其鹿。朋友已謫。不胥以穀。人亦有言。進退維谷。
姓姓求友。貌不可斥。王故曰。朋友猶我友也。謫同僭差也。穀善
谷窮也。鹿猶求友而人乃日趨於僭而不知相助以善是鹿之
不若也。夫如是則所用非賢必如人言進退皆窮矣。

維此聖人。瞻言百里。維彼愚人。覆狂以喜。匪言不能。胡斯畏忌。
聖人通明之賢者也。瞻言百里。則望之不可見。是遠賢而不用
也。覆狂以喜。見反聖之人。則爲之惑而喜也。匪言不能。言非力
不能用。賢也。既非不能。則又何所畏忌。遠之於百里而不用乎。
不可解也。

維此良人。弗求弗迪。維彼惡心。是顧是復。民之貪亂。寧爲荼毒。
迪進也。惡殘惡也。聖人。即良人也。瞻言百里。則弗求弗迪矣。惡
人。即惡人也。覆狂以喜。則是顧是復矣。民心不靖。既已貪亂。而
王又棄賢。即姦豈亦好亂而爲此荼毒乎。言必不可也。

大風有隧。有空大谷。維此良人。作爲式穀。維彼不順。征以中垢。

此又承上二章而端所以能用人之本也。風以化下，隧道也大風之行，有道多生空谷之中，蓋致治必本於虛中，而後可辨善惡，以爲風之自也。良人作爲式穀風之所以善也。若不順而行之以中坳，豈風行之道哉？中既坳，則行之於外，必不善矣。

大風有隧，貪人敗類。聽言則對，誦言如醉。匪用其良，覆俾我悖。此又承上章而究言之也。不順者之中坳，尚不可行，況於貪人有不至敗類者乎？乃聽我之言，則亦姑爲順應，至誦言其義，遂如醉者之無知，即所用之不良，反使我悖亂而不解也。

嗟爾朋友，予豈不知而作如彼飛蟲？時亦弋獲，既之陰如，反予來結

嗟爾朋友提撕以致告也。不知而作，不知其理而妄作也。飛鳥也，時弋獲，申明作者之非不知也。陰同陰，赫盛怒，貌言我之誨王無非爲王蔭庇之計，而王反因之怒我，則豈我忠告之意哉？

民之罔極，職涼善背。爲民不利，如云不克。民之回遘，職競用加。職，丰涼薄也。言民心無常，固主於薄而易背其上者也。如上又爲民所不利之事，施之於民而恐不勝，則民之邪僻亦必日甚，而益用力於涼背矣。以下二章終以民情惕之也。

民之未戾，職盜爲寇。涼曰：不可覆背善言。雖曰匪予，既作爾歌。戾，定也。盜心寇大，民心未定而無以安之，則始雖主於爲盜，漸

且盛而爲寇矣曰不可以爲不善也。詈即怨女詈女之詈上惡民之涼德而以爲不善而豈知覆背善詈且益甚乎言可畏之至也。匪同非善也。王雖以我爲非而我已爲王作歌義不得不納誨也。

上篇諄諄於敬慎溫恭以自修爲本也。此則敷陳時事反覆開導大要在鑒厲王之失慎用人之理以爲出治安民之道。二篇相次其猶大傅在前少傅在後之遺意歟。

雲漢八章章十句

雲漢仍叔因旱敝宣王也

俾彼雲漢昭回于天。王曰於乎何辜今之人。天降喪亂饑饉薦臻。

靡神不舉。靡愛斯牲。圭璧既卒。寧莫我聽。

昭光回轉也。靡神不舉。國有凶荒。索鬼神而祭也。圭璧。禮神之玉也。大祀用玉帛。牲牷。次祀用牲幣。小祀用牲。

旱既大甚。蘊隆蟲蟲。不殄禋祀。自郊徂宮。上下奠瘴。靡神不宗。后稷不克。上帝不臨。耗斁下土。寧丁我躬。

蘊。畜隆盛也。蟲。蟲熱氣也。郊祀上帝也。宮。享宗廟也。上祭天下祭地。奠。其禮瘞其物。宗尊克勝也。言后稷欲救旱而亦不能也。臨。享數。敗丁。當也。寧。當我身而有是災。自怨之辭也。

旱既大甚。則不可推。兢兢業業。如霆如雷。周餘黎民。靡有孑遺。昊天上帝。則不我遺。胡不相畏。先祖于摧。

推去也兢兢業業慎之至也如霆如雷畏之至也才無右臂貌
遺餘也周民彫耗將盡是天意不留遺餘也摧殘也天不念周
而降之以旱無可奈何也若先祖豈不畏不祀而亦爲之摧敗
也乎於先祖則加慕望之至情也

旱既大甚則不可止赫赫炎炎云我無所大命近此靡瞻靡恤羣
公先正則不我助父母先祖胡寧忍予

沮止也赫赫炎炎旱熱氣也無所無所容也大命近此有危亡
之禍也羣公先正謂百辟卿士之有益於民者皆寧也羣公先
正但言不我助疎也父母先祖則盡怨慕之誠焉

旱既大甚滌滌山川旱魃爲虐如惓如惓我心惴惴憂心如熏羣

公先正。則不我聞。昊天上帝。寧俾我遯。

滌滌言山無木。川無水。如滌而除之也。魃旱神也。慘燎熏灼也。遯。逃避也。言豈使我有可逃避也。

旱既大甚。魃魃畏去。胡寧殛我以旱。惜不知其故。祈年孔夙。方社不莫。昊天上帝。則不我虞。敬恭明神。宜無悔怒。

畏去。不敢去也。殛。病也。惜。不知故憂之。而不得所以致旱之故也。祈年。冬春祈穀之祭也。方。祭四方社。祭土神也。虞。度悔恨也。皆求其故而不得也。

旱既大甚。散無友紀。鞠哉庶正。疚哉冢宰。趣馬師氏。膳夫左右。靡人不周。無不能止。瞻卬昊天。云如何里。

友當作有人心憂旱故事多散亂而無紀也鞠窮也底正眾官之長也冢宰又眾長之長也趣馬師氏膳夫左右皆近王之要職也周徧也止容止也無不能止言俱稱職也叩同仰里居也去固不可而居又不得故曰云如何里

瞻叩昊天有嘒其星大夫君子昭假無羸大命近止無棄爾成何求爲我以底底正瞻叩昊天曷惠其寧

噤同瞻久旱望雨而瞻然星明未有雨徵也昭明假格藏餘也言大夫君子竭精誠以格天其力已無餘也然大命危急尤不可以棄其成功將何所求而能爲我定底正乎蓋底正定則紀不散而命亦永也寧安也天惠以雨則人安也曷惠其寧望之

切而不敢必也

因旱致儆則災危有徵所以動心忍性增益所不能大臣格君心之要術也讀抑與桑柔雲漢而後知宣王所由中興師臣輔弼之用大矣

崧高八章章八句

崧高尹吉甫美宣王爲元舅建國也

崧高維嶽駿及于天維嶽降神生甫及申維申及甫維周之翰四國于蕃四方于宣

山大而高曰崧嶽四嶽也申伯本唐虞四嶽之後故推本於神明也駿高大也降神山神特降靈爽也甫甫侯益申伯同姓所

宗也申申伯也。翰翼蕃蔽宣布也。四方于宣布王德於四方也。疊疊申伯王績之事于邑于謝。南國是式。王命名伯。定申伯之宅。登是南邦。世執其功。

續繼也。邑國都也。謝申之因國也。申爲四嶽之後。故王使繼其事。封之謝邑。爲南方之伯。而南國皆以爲式也。召伯召穆公虎也。定宅爲之營城。建國也。登成也。世執其功。使申伯之後得以世守其功也。

王命申伯。式是南邦。因是謝人。以作爾庸。王命名伯。微申伯土田。王命傅御。遷其私人。

庸。民功也。因謝人。以作庸。則南方畏服也。傅同附近也。傅御王。

之近御也。私人家人也。申伯爲王元舅，故使傅御遷其家人也。申伯之功，召伯是營，有傲其城。寢廟既成，既成藐藐。王錫申伯，四牡騤騤，鈞膺濯濯。

功建國之功也。傲始作也。寢路寢也。廟路寢室之總名也。藐藐深貌。騤騤壯貌。濯濯光明貌。

王遣申伯，路車乘馬。我圖爾居，莫如南土。錫爾介圭，以作爾寶。往近王舅，南土是保。

遣策命而遣之也。介圭，封圭也。寶猶瑞也。近，近字之訛。讀如記語辭猶已也。是時荆蠻強梗，故宣王特封申伯於謝，以重蕃屏而遂祝頌之也。

申伯信邁。王餞于郾。申伯還南。謝于誠歸。王命召伯。徹申伯土疆。以峙其糧。式邁其行。

鄆今鳳翔府鄆縣。還南自京師南行遂還其國也。既云信邁又云誠歸。欲行而王數留之。至餞鄆而始決也。峙積糧糧也。召伯之營謝也。既已徹田峙糧。使廬市有止宿委積。故申伯無留行也。

申伯番番。既入于謝。徒御嗷嗷。周邦咸喜。戎有良翰。不顯申伯。王之元舅。文武是憲。

番番武勇貌。徒御王后之徒。御送申伯入謝者也。戎汝也。戎有良翰。周人相善之辭。元大也。元舅后父也。文武是憲。申伯文德。

武功皆可爲人法也

申伯之德柔惠且直。柔此爲邦。聞于四國。吉甫作誦。其詩孔碩。其風肆好。以贈申伯。

柔以手柔物使順善也。風聲肆遂。贈增也。贈之言使行增於義也。

此宣王與南服也。申伯雖四嶽之後。而前未建國。蓋本甫侯之支庶耳。宣王假元舅之尊而封之於謝。實爲控制荆蠻之要。凡以外通江漢。內屏陳蔡者。皆於是乎存。不虞後嗣非人。卒致不祀而爲楚之北門也。

烝民八章章八句

燕民尹吉甫美宣王使樊仲城東方也

天生烝民。有物有則。民之秉彝。好是懿德。天監有周。昭假于下。保茲天子。生仲山甫。

烝衆也。人生而有形物也。有形即有當爲之事。則也。秉執彝常。歸美也。既有其則。即爲民所執而常行者矣。行而得之。斯爲美德。故無不好也。監察也。昭假于下周。能以明德格天下也。監周有德。故保愛之而生賢佐曰仲山甫焉。仲行山字虞仲之後樊其封邑也。

仲山甫之德。柔嘉維則。令儀令色。小心翼翼。古訓是式。威儀是加。天子是若。明命使賦。

柔嘉維則柔嘉而有則也。令色正顏色而善也。古訓先王之遺
典也。力勉若順賦布也。明命使賦使布天子之明命於天下也。
王命仲山甫。式是百辟。續戎祖考。王躬是保。出納王命。王之喉舌。
賦政于外。四方是發。

式是百辟。爲諸侯法也。戎汝也。祖考虞公也。王躬是保。掌正王
之服位也。出布納復王之大命。大僕之職也。喉舌所以出言也。
發明也。如魯論亦足以發之發。

肅肅王命。仲山甫將之。邦國若否。仲山甫明之。既明且哲。以保其
身。夙夜匪懈。以事一人。

肅肅嚴也將奉行也。若順也。順否猶臧否也。大僕掌諸侯之復。

逆故明之也。明明於理，哲哲於事也。保身猶守身也。一人天子也。

人亦有言。柔則茹之，剛則吐之。維仲山甫，柔亦不茹，剛亦不吐，不侮矜寡，不畏彊禦。

人言世俗之言也。不茹，柔故不侮；矜寡不吐，剛故不畏彊禦也。人亦有言，德輶如毛，民鮮克舉之。我儀圖之。維仲山甫舉之，愛莫助之。哀職有闕。維仲山甫補之。

輶，輕儀，擬愛惜也。言山甫之德，人莫能助也。哀職，三公牧伯之職也。補彌縫也。齊爲東方大侯，錫命加哀，時不能修其職而使山甫城其所屬，故云有缺而補以起下文也。

仲山甫出祖。四牡業業。征夫捷捷。每懷靡及。四牡彭彭。八鸞鏘鏘。王命仲山甫。城彼東方。

祖行祭也。征夫徒旅也。捷捷疾貌。東方齊守所治。

四牡騤騤。八鸞喤喤。仲山甫徂齊。式邁其歸。言甫作諱。穆如清風。仲山甫永懷。以慰其心。

東方之城。山甫止以王官督其役耳。其役事固當使齊主之。故徂齊乃所以爲城。非城齊也。式邁其歸者。東方之城非止爲城築計。蓋或萊牧不靖。設城綏集如南仲城朔方之類。故望其敏於藏事而歸也。穆深長也。清風清微可愛之風也。永懷者內安外撫任大責重不能無慮。但非有危難故不至況瘁耳。

此宣王靖東土也。中伯建國大封之禮也。山甫徂齊大役之禮也。

韓奕六章章十二句

韓奕尹吉甫美宣王錫命韓侯也

奕奕梁山維禹甸之。有倬其道。韓侯受命王親命之。續我祖考。無廢朕命。夙夜匪解。度共爾位。朕命不易。韋不庭方。以佐戎辟。

奕奕大也。梁山韓之鎮也。在今同州府郃陽韓城二縣境。道自韓入朝之道也。韓侯武王之後。韓國今韓城縣受命先君三年喪畢。以士服入見天子而聽命也。親命朝見之而親策命爲侯也。續祖考繩祖也。不廢命尊王也。度敬也。匪解度共續祖尊王也。

之實也不易言難保也幹同幹即易幹父幹事之幹不庭方不
來庭之國也戒其外正羣國以佐王也

四牡奕奕孔脩且張韓侯入覲以其介圭入覲于王王錫韓侯淑
旂綏章。章第錯衡玄衮赤舄鉤膺鏤錫鄭韋淺幟。幟革金厄

脩長張大也秋見曰覲覲於路寢以其介圭執侯摯以見也上
章受命以士禮見此則既受命而又以侯禮覲成其爲侯也淑
善也淑旂大旂也綏大綏也綏章馬章也鏤刻金也錫當盧馬
眉上飾也韋韋中淺虎皮也幟覆軾也軾中既持以鄭又加
虎皮覆軾上也厄同輶輶端厄馬領者以金飾厄即金路也
韓侯出祖出宿于屠顧父餞之清酒百壺其散維何魚鼈鮮魚其

較維何維筍及蒲其贈維何乘馬路車蓬豆有且侯氏燕胥

祖反國而啟行也屠即杜也在今長安縣顯氏顯父王大夫也
饒華王命而饒也較菜也筍竹萌蒲蒲弱也贈贈賄也耳古俎
字折俎也既有蓬豆又有俎也侯氏諸侯爲客之稱胥相也
韓侯取妻汾王之甥蹇父之子韓侯迎止于蹇之里百兩彭彭八
鸞锵锵不顯其光諸娣從之祁祁如雲韓侯顧之爛其盈門

此言韓侯親王既成爲侯則親迎爲急也汾王厲王也厲王流
燕在汾水之上故時以日厲王也稱王甥舉其貴也蹇父亦王
官也卑稍地之里也諸娣羣媵也祁祁戴被隨行貌如雲多也
爛光盛貌

厥父孔武。靡國不到。爲韓姑相攸。莫如韓樂。孔樂韓土。川澤訐託。
魴鯨甫飛。應鹿寒寒。有熊有羆。有貓有虎。慶既令居。韓姑燕譽。
厥父姑姓子爲韓侯夫人。故曰韓姑相攸。擇所嫁也。訐訐大也。
甫甫取也。寒寒鹿羆羆口相聚貌。猶似虎而小。慶喜令善也。既以
善居相慶而韓姑亦安之。而有譽益美韓侯能正家也。

溥彼韓城。燕師所完。以先祖受命。因時百戰。王錫韓侯。其追其貍。
奄受北國。因以其伯。實墉實壑。實畝實籍。獻其貔皮。赤豹黃羆。
溥大也。燕北燕召公之後所封之國。今爲京縣。即順天府之大
興宛平二縣也。燕師所完。蓋北燕伯爲方伯時所城也。先祖韓
始封之祖也。衛服之外曰蠻。服百蠻其種蕃盛有百族也。蓋韓

之始封本因其時百蠻作亂而建國也追猶北國名錫者本非韓屬而特使節制之也伯元命之伯蓋北國而爲之長也墉城塞池籍稅也籍同籍傳云穀出不過籍是也獯狐類言北國之城池畝籍貢獻韓侯皆專治之也

此宣王經北國也錫京偏處西隅厲王暴虐王室陵夷宣王中興三方不能無事而申伯以元舅之尊山甫以王官之貴韓侯以武穆之親亦可以見一時經營之肯綮矣至韓侯以喪畢來朝則喪禮未壞也以士服入見則王章未廢也朝畢而親迎則昏禮猶備也君臣父子夫婦之倫無不正其中興也宜哉

江漢六章章八句

江漢美宣王命名穆公也

江漢浮浮。武夫滔滔。匪安匪遊。淮夷來求。既出我車。既設我旗。匪安匪舒。淮夷來鋪。

浮浮水盛貌。武夫謂召穆公爲大將也。滔滔順流貌。求招致安。定也。鋪陳也。陳師以服之也。求以懷之。鋪以威之。皆非無事而舒遊也。

江漢湯湯。武夫洸洸。經營四方。告成于王。四方既平。王國底定。時靡有爭。王心載寧。

洸洸武貌。淮夷既定而并經營四方。遂及江漢以南也。

江漢之游。王命召虎。式辟四方。徹我疆土。匪疚匪棘。王國來極。于疆于理。至于南海。

虎召穆公名也。辟同闢。周衰。徹法漸壞。故辟四方而以徹正疆土也。來極。即皇極之會歸也。言非以病害四方。乃欲四方以王國爲極耳。疆理。至於南海。言式辟之遠也。

王命召虎。來旬來宣。文武受命。召公維翰。無曰予小子。召公是似。肇敏戎公。用錫爾祉。

此追舉王命穆公經營之辭。自四方言之。故曰來旬。徧宣布也。徧治其事。以布王命也。文武文王武王也。召公召康公奭也。言康公翼輔文武。故能有天下也。予小子。王自稱也。似。肖也。言穆

公非但奉王命之故國當象賢康公也釐長我汝公功也能似先公則長敏其功而王亦錫以福也

釐爾圭瓚。秬鬯一卣。告于文人。錫山土田。于周受命。自召祖命。虎拜稽首。天子萬年。

釐賜也圭瓚以圭爲瓚玉爵也秬鬯釀秬黍爲酒氣芬芳條暢也卣中尊也賜圭瓚一卣者以一祿之禮禮之也文人先祖之有文德者謂文王也告文人而錫猶云社稷之臣不敢專賞也于周受命自召祖命者又使穆公受命於岐周從其祖康公受命於文王之所以寵異之也拜稽首受王策命也天子萬年穆公頌王也

虎拜稽首對揚王休。作召公考。天子萬壽。明明天子。令聞不已。矢其文德。洽此四國。

對答揚稱考成也。穆公既受賜。遂答稱王之休。命作康公之廟。器而勒王策。命以考其成。且祝王萬壽也。天子之所貴者明也。明而又明。則其明也遠。而無所蔽。故又以美王而願其令聞不已。且祝其布文德於四國。亦責難陳善於無窮也。

穆公自營謝邑之時。蓋已使荆蠻順命。至此詩。遂沿江漢而疆理。至於南海。則皇極之敷。固登會稽而南矣。式辟遠暨厥功。茂焉特錫之隆。所以媲美康公也。夫周都鎬京於東南。爲極遠。故江漢常武。繼韓夾之後。尤費經營也哉。

常武六章章八句

常武宣王征徐也

赫赫明明。王命卿士。南仲大祖。大師皇父。整我六師。以修我戎。既敬既戒。惠此南國。

大祖始祖也。皇父即小雅之皇父。官卿士而兼大師者也。宣王自將伐徐。先使皇父整師修戎。事危故必敬戒。而後能惠南國也。

王謂尹氏。命程伯休父。左右陳行。戒我師旅。率彼淮浦。省此徐土。不留不處。三事就緒。

尹氏即小雅之尹吉甫也。釋本文。王始居之邑。伯休父之食采。

故以爲氏後徙東周在洛陽有上程聚伯休父猶仲山甫蓋時
爲司馬故使左右陳行而戒誓師旅也省與音同馮弱犯寡則
省之九伐之一也循淮浦而省徐去自南而北懼徐之煽擾及
淮故外示威於淮而內以孤徐之勢也不留不處責神速也三
事司徒司馬司空也就緒有成功也

赫赫業業有嚴天子王舒保作匪紹匪遊徐方繹騷震驚徐方如
雷如霆徐方震驚

業業不安居也嚴威也天子自將威可畏也舒徐保安作行也
不留不處速也赫赫業業整也王舒保作暇也紹糾緊遊邀翔
也紹則過急遊則不嚴皆非行軍之道也繹連絡擾動也匪

紹匪遊則徐方釋騷而震驚矣而況以天子雷霆之怒乎再言
震驚畏之至也

王奮厥武如震如怒進厥虎臣闐如虓虎鋪敦淮濱仍執醜虜截
彼淮潁王師之所

進鼓而進之也闐視也虓虎怒也鋪布敦厚濱涯也言師勇而
且衆也仍頻截斷也頻有執獲阻淮流而不可犯也

王旅皞皞如飛如翰如江如漢如山之苞如川之流緜緜翼翼不
測不克濯征徐國

皞皞盛貌如飛翰疾也如江漢盛也如山不可動如川不可禦
緜緜不可絕翼翼不可亂不測不可知不克不可勝也濯大也

王猶允塞。徐方既來。徐方既同。天子之功。四方既平。徐方來庭。徐方不回。王曰還歸。

王猶允塞。廟算自有真也。來來降也。同近徐諸國皆服也。功成功也。庭朝回邪也。四方平而徐獨不庭。故王親征之。既來庭而不回。王即還歸。不窮兵以贖武也。

淮夷散於淮而無統。故召公經營而即服。若徐則有國而負固爲患。非大師濯征固未易來庭也。徐方來庭而天下無不服。奏上篇徹疆土大均之禮也。此篇整六師大師之禮也。大田之禮已具於車攻吉日。其不入於大雅者。以其猶在畿內。則未通乎天下故耳。

瞻卬七章三章章十句四章章八句

瞻卬傷西周大壞也

瞻卬昊天。則不我惠。孔填不寧。降此大厲。邦靡有定。士民其瘵。蟲賊。蟲疾。靡有夷屆。罪罟不收。靡有夷瘳。

言昊天無所歸咎也。惠愛也。孔填不寧者。詩人瞻昊天之不惠。則憂傷滿懷而不安也。厲虐癘病也。蟲賊害苗之蟲。謂小人也。蟲疾爲害之速也。夷平屆極也。言其害不能平而且不知所極也。罪罟以罪加人如罟之網物不以其罪也不收則網人無窮。無平愈之時矣。

人有土田。女反有之。人有民人。女覆奪之。此宜無罪。女反收之。彼

宜有罪。女覆說之。

收拘說赦也。

哲夫成城。哲婦傾城。懿厥哲婦。爲衆爲鵠。婦有長舌。維厲之階。亂匪降自天。生自婦人。匪教匪誨。時維婦寺。

哲智也。城猶國也。成城者。哲夫之事。婦人貴無非無儀。若矜其哲。必傾城矣。衆鵠皆惡鳥。哲婦雖美。猶衆鵠也。有長舌以多言。卽爲亂之階矣。寺。奄人也。亂何以生於婦人。以不可教誨之言。惟婦寺言之也。此推原禍本。猶衆似威之也。

鞠人忮忒。讟始竟背。豈曰不極。伊胡爲慝。如賈三倍。君子是識。婦無公事。休其蠶織。

鞠人窮治以入人罪也。愷或但志於爲害而不循理之常也。增同憎竟終背反也。其始既差則其終大謬也。愷或至此亦云極矣。王豈不知而胡爲使之極其惡乎。蓋王惟知嗜利故也。君子謂王也。賈人計利市必三倍。乃王亦如賈人之徒。知有利則婦人雖無公事而亦舍其蠶織圖利以害人矣。此又原婦寺之禍根於王心也。

天何以刺何神不富舍爾介狄。維予胥忌不弔不祥。威儀不類人之云亡邦國殄瘁。

天喻王也。刺以刀殺人也。神猶明聖也。刺對鞠人而言。神對階背而言。富對識賈而言。言王何必殺人以求利。豈有神而不富。

者乎介天也時西戎爲患方大乃不憂大患而忌予是不憂所當憂而反忌所不當忌也弔閔也不祥即指蟲賊鳴梟等而言也類肖也人亡無善人也殄瘁絕世可憂也

天之降罔維其優矣人之云亡心之憂矣天之降罔維其幾矣人之云亡心之悲矣

罔咎傷多幾近也此憂傷之至而不禁長言嗟歎也

威沸檻泉維其深矣心之憂矣寧自今矣不自我先不自我後藐藐昊天無不克鞏無奉皇祖式救爾後

檻泉上出喻諸侯尊王也深則藏而不出喻諸侯皆蔽也王室不可爲而求助於諸侯不得已之思也至諸侯亦無乃心王室

者則憂彌甚矣故又以寧自今明之兢兢高遠貌鞏固也然天
意未嘗不可回則危亂未嘗不可救但憲章文武而能無忝焉
則已往雖不可追而將來猶或及救尚餘望之之意焉蓋惻怛
之思不能自己而斯時之天下亦尚在可爲耳

幽王之詩小雅已極詳盡而大雅猶及此詩所以備西周之
終始也故無泰皇祖與文王之什適相應焉亦猶匪風之瞻
周道而思王也

召旻七章章五句

召旻傷東周大壞也

旻天疾威。天篤降喪。瘼我饑餓。民卒流亡。我居圉卒荒。

爲者西周既亡而東周又日趨於衰亂也居國中而邊鄙也
天降罪罟。蟲賊內訌。昏楮靡共。潰潰回遘。實靖夷我邦。

內訌爲亂於內也。東周之弱非有外患也。但爲國者皆如蟲賊
而自亂之耳。昏幽暗楮剝落也。昏楮靡共。惟事昏楮而無共職
之人也。潰潰水決散貌。猶云土崩瓦解也。國勢已潰潰然。日就
邪僻矣。而我邦之所恃以治平者。實在於是不。亦可傷也哉。

卑卑訛訛。曾不知其玷。兢兢業業。孔填不寧。我位孔貶。

卑卑頑慢意。訛訛相毀也。皆內訌昏楮之狀。不知其玷。習實爲
常也。兢兢業業。孔填則詩人敬慎憂患之意。位天位也不可斥。王故
曰我位貶卑也。言王室已日卑也。

如彼歲旱。草不潰茂。如彼棲苴。我相此邦。無不潰止。

潰。遂也。草雖易生而旱則不能遂其茂也。棲苴。水草棲於木上者。未有能生者也。民逃其上曰潰。言必亡也。

維昔之害不如時。維今之疚不如詢。彼疏斯棹。胡不自斃。職兄斯引。

昔謂文武之時。當盛時是也。今東遷後也。故謂當時也。言先王之盛。不如後世之衰也。而東遷雖病。猶未有若此之甚者也。疏。棹。精以疏爲棹。喻以小人爲君子也。夫如是而有不自替者乎。此憂之所以引而長也。兄同悅憂也。

池之竭矣。不云自頻。泉之竭矣。不云自中。溥斯害矣。職兄斯

弘不裁我躬

頻渥也不云豈不云也薄偏也池竭自外泉竭自內內外俱竭則無不受害者矣此憂之所以愈大也豈不至哉及其身不止者乎

昔先王受命有如召公曰辟國百里句今也曰蹙國百里句於乎哀哉維今之人不尚有舊

先王文武也召公康公也曰辟百里文王始自岐周三分天下有二至武王遷有天下也今東遷以復也曰蹙百里諸侯皆呼西周既棄於秦東周之地亦曰侵削也舊指召公而言今人豈遽無其人乎傷今之不見亦歎王之不用也

小雅都人士之什刺幽王者五篇刺東遷者五篇此則前篇傷西周此篇傷東周與小雅正相應也題既以召要名篇而終以思召伯又與公劉以下諸詩相應而國風召南及曹之下泉思伯亦無不相應也

蕩什十一篇九十二章七百六十三句

此什獨十一篇何也銖銖而積之至三而加重寸寸而度之至三而加長故什至三而加一猶徑一者圓三而其實不止圓三自然之數也然則小雅八什何無餘也曰小雅於什之二已闕其六則固存七什爲有餘而在八什爲不足也夫義豈一端而已